



KO TE

KAHITI O NIU TIRENI.

I TAIA I RUNGA I TE MANA O TE KAWANATANGA.

PONEKE, MANE, HEPETEMA 4, 1865.

Tenei ka timataia he Karere ki nga tangata Maori, a ka mahia tonutia, ka pera hoki me te Karere o te Kawanatanga ki nga Pakeha. Ka taia ano nga Panuitanga me nga Whakautanga a te Kawanatanga, rite tonu ki te tikanga o te Karere Pakeha; mehemea ra ka kitea he mea e tau ana hei painga mo te iwi Maori, he mea ranei e hiahia ana e ia, ahakoa he tikanga mo te tinana o te tangata, mo tana whenua ranei, mo ana laonga ranei. Ko nga kupu katoa a Te Kawanatanga ki nga iwi Maori, ka korerotia nuitia atu ki roto ki tenei pukapuka, a kahore atu he ara mo te korero. Ko nga kupu o roto e haere atu ana i runga i te mana o te Kawana, o te Minita mo nga Maori ranei. Ka timataia ki nga Panuitanga kua taia ki te Karere Pakeha mo te marama kua mate tata ake nei. Na me whakamana enei kupu me enei Panuitanga e nga tangata katoa, me whakarongo ano hoki.

Na WHITITERA.

Minita mo nga Maori.

PANUITANGA.

NA TA HORI KEREI KAWANA O NIU TIRENI,
&c., &c., &c.

NOTEMEA kua tukuna atu nga kupu whaka-haere tikanga—kua unga atu ano hoki he hoia hei hopuhopu i nga tangata, na ratou i kohuru a Te Wakana Minita, a Hemi te Mautaranui hoki, ratou ko ona hoa ki Opotiki, ki Whakatane; a no te mea he pai kia tau te mana mo reira ki te Kai-whaka-haere o nga Hoia kia ahei ai te whakawa e ia nga tangata i uru ki aua kohuru, nga tangata ranei i whakahoa kia ratou i roto i taua mahi kino, i runga i nga tikanga o te whakawa Kooti Matara, [ara o te whakawa e whakaputaina ana ona tikanga e te Rangatira o nga Hoia i nga wa kahore nei e puta nga tikanga o nga Kooti Whakawa o te Ture Hiwiri.]

Na ko ahau ko Te Kawana te panui nei, ka whakaputaina tonutia nei nga tikanga o te Ture Matara i roto i nga takiwa o Opotiki o Whakatane timata atu i tenei ra, a kia puta atu ra ano tetahi atu panui whakakahore i nga ritenga o tenei.

He mea tuku atu i raro i taku ringa, i te Whare o te Kawana i Poneke, he mea tuku atu hoki i raro i te Hiiri o te Koroni i tenei wha o nga ra o Hepetema, i te tau o to tatou Ariki, Korahi mano e waru rau e ono tekau ma rima.

G. GREY,
Na te Kawana.

Na Te Rawana i ki,
NA TE RITIMONA.